

COLLEGE OF THE MARSHALL ISLANDS
Bylaw ko An Board of Regents eo

Oktak I: Board of Regents eo ear kōmālim ilo Jeptōm̄ba 21, 2016

Oktak II: Board of Regents eo ear kōmālim ilo Pāpode 27, 2020

Men ko Kobbān

ARTICLE I. Melele in Naan ko	4
ARTICLE II. Eddo ko an Boot	4
Article III. Ro Uwaan im Doulu eo	6
1. Ro Uwaan.....	6
2. Tōōm in Jerbal	6
3. Karōkan.....	6
a. Officers.....	6
b. Eddo ko an Opija ro	7
c. Bout	7
d. Succession.....	7
Article IV. Regular Kwelōk Ko.....	8
1. Uwaan im Jikin Kwelōk.....	8
2. Special Kwelōk ko	8
3. Agenda	8
4. Kōjjeļā kōn Kwelōk	8
5. Quorum	8
6. Executive Session	8
7. Maroñ ko an Ro Uwaan Board of Regents eo	9
8. Robert's Rules of Order	9
9. Oñāān ro Uwaan Boot eo	9
Article V. Standing Kamiti ko an Boot eo.....	9
1. Standing Kamiti ko	9
a. Finance Kamiti	9
b. Strategic Planning Kamiti.....	10
c. Academic and Student Life Kamiti.....	10
d. Special Kamiti ko	11
e. Jeer eo an Juon Kamiti im Ro Uwaan	11
f. Kāālōt ko an Kamiti	11
Article VI. Orientation eo An Uwaan Boot im Ekāāl.....	11
Article VII. Chief Executive Officer	11
Taitōļ	11

Jerbal/Eddo.....	11
Maroñ ko	11
Jerbal Kōtaan Būreejtōn eo im Boot eo	12
ARTICLE VIII. Men ko Ikijjien ri-Jerbal.....	13
1. Laajrak ko Ikijjien Oñāer	13
2. Men ko Ikijjien ri-Jerbal	13
Article IX. Board Professional Development.....	13
Article X. Code of Conduct	13
1. Standard of Conduct	13
2. Idaaptōk in Kōttōpar/Kōṇaan	13
a. Ejelōt Wōn.....	13
b. Fiduciary Responsibilities	14
c. Disclosure.....	14
d. Kabōjrak jān An Bōk Koṇaan	15
e. Sanctions and Remedies	15
f. Melele in Naan	15
g. Kōta eo im Eban Maroñ in Jerbal.....	16
Article XI. Amendment ko ñan Bylaw ko	16
APPENDIX I.....	17
APPENDIX II	19

ARTICLE I. Melele in Naan ko

Āinwōt an jermal ilo bylaw kein:

- “Boot” ej melele in Board of Regents, College of the Marshall Islands;
- “Kalej” ej melele in College of the Marshall Islands im kāāmbōj ko wōj an;
- “Būreejtōn” ej melele in Būreejtōn eo an College of the Marshall Islands;
- “Jeer” ej melele in Jeer eo an Boot eo; im
- “Secretary” ej melele in Director of Institutional Integrity and Effectiveness eo im ej jermal āinwōt Secretary of the Board.

ARTICLE II. Eddo ko an Boot

Policy Index: 101.00

Eddo ko im raar etal ñan Board of Regents eo jān Republic of the Marshall Islands kien ko (PL 1992-13 Section 206 and Section 209) rej kwalok bwe Boot eo enaaj:

1. Lale bwe Kalej eo en kōmmani eddo ko an ekkar ñan kien ilo an kar lelok eddo ñane. Wūn ko emōj kaalikkar rej ñan:
 - a. Lelok katakin ko ilo jelā lokjen an kilaj ko ālikin “high school” im rekkūtbuuj jermal in türein ri-kaki im relam waan, “basic adult education, im katak ko nan kōpooj ri-jikuul ñan kalej.
 - b. Dāpij “accreditation” eo jān Accrediting Commission for Community & Junior Colleges eo an Western Association of Schools and Colleges.
 - c. Ejaak im lelok certificate im tiikri būrookraam ko im rekkūtbuuj ak emaroñ bar lōñlok Teacher Education, Special Education, Nursing, Business, Liberal Arts, im occupational im technical jabokan jermal ko jet.
 - d. Kajjeikik būrookraam in türein im jelā lokjen im jipañ ko im doulul ko an pablik im doulul ko jet rej lelok kiiō ñan ditto im jodikik ro ilo Republic eo
 - e. Ejaak im kajjeikik outreach būrookraam ko.
 - f. Jermal ippān Ministry of Education ñan kajjeikik kiltōn kōjermal men ko wōjāer ekūtbuuj mōn im kein jermal ko, ri-jermal ro, im menin jipañ ko ikijjien jelā lokjen ekūtbuuj im maroñ bar lōñlok jermal in rōjañ ikijjien jermal ak jikuul, educational delivery system ko, audio visual, im kein katak ko jet.
 - g. Kōmmani im jipañ ikijjien jermal in allo ko rekka ñan aikuj ko an Republic eo ñan joñan eo im ekkar ñan bajet ko enkab baj ilo wāween etale aikuj ko ikijjien türein im jelā lokjen im rej wōnmaanlok wōt.
 - h. Kajjeikik im lelok jipañ ko rekka ñan jān in jipañ ko an ri-jikuul ro ilōñ in high school im raar itok jān kien ak ijoko jet.
 - i. Jermal āinwōt juon jikin teej.
 - j. Jermal āinwōt doulul eo im enaaj kajjeikik aolep makūtkūt ko ikijjien jelā lokjen im rej bōk jikier ilo Republic of the Marshall Islands.
2. Kaalikkar mijen im kōttōpar ko an Kalej eo im kōmman iien etale mijen eo im jermal ko an diktata juon alen ilo aolep lalem (5) iio ko. [oktak. Māe 2009, Jānwōde 2016, Jeptōmba 2016, Pāpode 2017]

3. Ejaak im leļok certificate im tiikri būrookraam ko ekūtbuuj ak ejjab Teacher Education, Special Education, Nursing, Business, Liberal Arts, im bar kain jermal ko jet ilo “occupational” ak “technical” jermal ko wōt.
4. Kajjeikik tūrainiñ im būrookraam in katakin im jipañ ko im rej leļok ñan ditto ro im jodikdik ro im rejjab jikuul im rej pād ilo Republic eo jān wōpij ko an pablik im ko jet.
5. Ejaak im kajjeikik outreach būrookraam ko.
6. Jermal ippān Ministry of Education ñan an emman kiltōn kōjermal menin jermal ko āinwōt jikin jermal ko, kein jermal ko, ri-jermal im kein jipañ kōmman jermal in jelā ļokjen ekūtbuuj jikin jermal ko im rōjañ ikijjien jikuul, menin jipañ ko ilo ļāibrāre, kōkar in educational delivery ko, audio visual, im bar kein katak ko jet.
7. Kajjeikik im jipañ jermal in allo ko rekkaar ñan aikuuj ko an Republic eo ñan joñan eo im ewōr jāān enkab baj āinwōt an ekkaar ñan ad maroñ etale kiltōn tūrainiñ ko im aikuuj ko ikijjien jelā ļokjen.
8. Leļok jipañ ko ikijjien postsecondary jāān in jipañ ko an ri-jikuul im raar etal jān kien im ijoko jet.
9. Jitōñ, jipañ, im etale jermal ko an Chief Executive Officer eo an Kalej eo.
10. Jermal āinwōt juon wōpij in kajjeikik jermal im makūtkūt ko ilo jikin jelā ļokjen ko ilōñļok im rej kōmman ilo Republic of the Marshall Islands.
11. Kōmeleleik melele in mijen im kwaļok kōttōpar ko an Kalej eo im kōmman iien etal mijen im wūnin jermal ko diktata juon kattōn ilo aolep emān (4) iiō. [oktak Māe 2009, Jānwōde 2016, Jeptōmba 2016]
12. Lale bwe en wōr an Kalej eo institutional autonomy.
13. Kwaļok mijen im kōttōpar ko an Kalej eo ñan kapijuknen eo.
14. Kwaļok ļok aikuuj ko an kapijuknen eo ñan Kalej eo.
15. Lale bwe en be jāān.
16. Lale bwe en kajoor jermal in lale jāān.
17. Jān iien ñan iien etale im kōmālim būļāān ko an Kalej eo ikijjien juon iien aetok.
18. Jitōñ, jipañ, im etale tarlep in jermal ko an Chief Executive Officer (CEO) eo an Kalej eo. Board of Regents eo enaaj etale jermal ko an Būreejtōn eo an Kalej eo jān iien ñan iien.
19. Lale bwe en ājmuur im emman an faculty, ri-jikuul ro, im staff pād ilo an naaj likit kien im laajrak ko rekkaar.
20. Jermal āinwōt maroñ eo ilōñtata ilo jabdewōt menin idaaptōk ilo melele kōn ta kien, laajrak, ak kiltōn ko an Kalej eo ikōtaan faculty eo, ri-jikuul ro im staff.
21. Likit joñan ko im naaj jaaje ri-jikuul ro an Kalej eo kōn tuition, jikin jokwe, im oñāān men ko im jaaj ko jet im kajjeikik kiltōn tuition waiver ko ekkaar ñan an Boot eo kōtmān bwe ekkaar.
22. Leļok tiikri im tūploṃa im certificate ko.
23. Kōmālim jabdewōt kien im laajrak ko im enaaj lo bwe rekkaar ñan an maroñ emman kiltōn kajjeikik jermal ko ilo Kalej eo, im ñan lale bwe en wōr jermal in etale ko emōj likit ilo kōļōṃta ilo juon wāween eo im enaaj kōmman jān iien ñan iien, ilo juon “rotating basis, diktata juon alen ilo emān iiō ñan kien ko an jikuul, administrative kien ko, im kien ko rejjelōt faculty. Būreejtōn eo enaaj kōmmane im “publish” juon kōļōṃta in iien etale ko im naaj leļok keeañ eo ilo kajjojo iiō ñan boot eo ikijjien “status” eo an menin. [Kar oktak Māe 2009]
24. Kōmālim būrookraam in katak in allo.
25. Kobaikļok ippān Kalej eo jikin technical im research jermal ko āinwōt an Boot eo kōtmān bwe ewōr aikuuj ak rekkaar ñan lale bwe en wōr juon būrookraam in katak in eo emman im

- jermal in allo ko im rej loor wōt priority ko an laḷ eo ñan eddōkḷok im ñan wiia ak ebbōk būrej ak mōko im wiia jabdewōt men āinwōt “real, personal, mixed, tangible ak intangible,” in jabdewōt jikin ak doulul ko im naaj maroñ “transfer” ñan Kalej eo.
26. Etale im kōmālim aolep iiō būlāān ko raetok ñan ejaake Kalej eo.
 27. Kajjeikik ekkar ñan bylaw ko an, aolep kein jermal ko im naaj aikuji ak rekkar ñan an kajjeikik maroñ ko an im kōn menin, bōk, ukōt, ak kōjermal juon common seal eo im naaj kōjerbale ñan kaḡool aolep jermal ak maḡūtkūt ko an Boot.
 28. Kōmman bar jet maḡūtkūt ko jet ak bōk bar jet eddo ko im naaj aikuji ak rekkar ñan an kajjeikik maroñ im eddo ko an im kien ear liḷok ñane ak likit ioon.
 29. Etale tarlep in jermal ko an diktata aolep ruo (2) iiō. [oktak Māe 2009, Jeptōmba 2016]
 30. Leḷok jabdewōt iaan maroñ ak eddo ko an im ewōr an maroñ ioer ñan juon opija an Boot eo an ñan bar juon opija ak ri-jermal an Kalej eo ñe ej ekkar.

Article III. Ro Uwaan im Doulul eo

Index in Kien: 110.00

1. Ro Uwaan

Index in Kien: 110.01

- a. Ro uwaan Boot rej aikuji naaj āinwōt an waḷok ilo College of the Marshall Islands Act eo. Jekdoon tōōm in jermal eo an, tōōm eo an juon uwaan Boot enaaj jemḷok eḷañne juon eo uwaan boot eo enaaj jab itok ñan jilu iien kwelok ko im renaaj “consecutive” ilo an ejjeḷok an eo uwaan boot eo “excuse” im ila an aolep ro uwaan Boot kar lo. Jeer ak “Acting” Jeer eo an Boot enaaj kāālōt eḷañne juon uwaan boot ej “excused.” Enaaj jemḷok an in uwaan boot jermal ilo iien eo ālikin wōt iien jako ko jilu an im raar “consecutive” im ar ejjeḷok kōjatdikdik ke en kar āindein.
- b. Enaaj wōr juon (1) ri-jikuul eo im enaaj ri-kwelok.
- c. Diktata juon uwaan boot enaaj juon armej eo im ej jokwe ilo Kwajalein Atoll.
- d. Ekkar ñan RMI P.L. 2003-88 im C.M. 201, eo im rej nae etan College of the Marshall Islands Act (Amendment) of 2003, eban wōr uwaan Faculty ilo Board of Regents do.
- e. Ekkar ñan RMI P.L. 1999-81, eo im rej nae etan College of the Marshall Islands Act of 1999, Būreejtōn eo an Republic of the Marshall Islands enaaj “nominate” ro uwaan Board of Regents eo im Cabinet enaaj kōmālim er.
- f. Ekkar ñan RMI P.L. 2005-25, eo im rej nae etan An Act to Amend Section 208 of the College of the Marshall Islands Act of 1992, ro uwaan Nitijela im Secretary of Education eo rejjab maroñ in pād ilo Boot eo.

2. Tōōm in Jermal

Index in Kien: 110.02

Tōōm in jermal eo an ro uwaan Boot enaaj jilu (3) iiō, im enaaj ejjeḷok eḷ uwaan boot enaaj jermal iumwin elōñḷok jān jilu (3) “successive or consecutive” tōōm ko.

3. Karōkan

Index in Kien: 110.0

a. Officers

Index in Kien: 110.03

Ekkar ñan CMI Act eo, Opija ro im renaaj uwaan Boot eo enaaj Jeer eo, Baij Jeer eo, juon Secretary (eo im Boot eo enaaj jitōñ im eban juon uwaan Boot eo). Boot eo enaaj kāālōt Jeer eo im Baij Jeer ilo kwelok eo jinointata ilo Academic Year (AY) eo ilo Jeptōmba im tōōm in jermal eo aer renaaj jān Oktoba 1 ñan Jeptōmba 30 in iiō eo tokālik ak bar wōnmaanḷok wōt ñan ñe

emōj kaālōt ri-bōk jikier. Būreejtōn eo an Kalej eo enaaj jermal āinwōt chief executive opija eo an Kalej eo.

b. Eddo ko an Opija ro

Policy Index: 110.03

- a. Jeer. Jeer eo, kobalōk ippān an naaj jermal ilo aolep regular im special Boot kwelōk, enaaj:
 - i. Tōl kwelōk ko an Board of Regents eo
 - ii. Kūr ñan special kwelōk ñe naaj aikujiñ
 - iii. Jermal āinwōt juon ri-kōnono an boot eo ñan kapijuknen eo, im kōmālim aolepen press release ko ak public statement ko jān Boot eo.
 - iv. Jitōñ jeer eo im ro uwaan standing kamiti ko im bar kamiti ko jet.
 - v. Bōk kōmmelele ko, petition ko, kajjitōk ko, im proposal ko ilo etan Boot eo im, ijellōkwin wōt iien emergency ko, lelōk ejja men kein ñan Būreejtōn eo ak Secretary ak ñan Committee of the Board eo ekkar ñan mākūtkūt eo ak rōjañ ilo wāween eo im eban kaapañ jermal in tōl im “fiduciary” eddo ko an Boot eo.
 - vi. Dāpij “liaison” eo an ippān Būreejtōn eo ñan an lale bwe en emman jermal ko ikōtaan administration eo an Kalej eo im Boot eo.
 - vii. Kōmālim laajrak in agenda eo ñan jabdewōt regular ak special kwelōk an Boot eo.
 - viii. Kajjeikik kōttōpar ko an standing kamiti ko ñan an kōkajoor jermal ko an ejja armej rein wōt.
- b. Baij Jeer. Baij Jeer eo enaaj bōk jermal im eddo ko an Jeer eo ēlaññe enaaj jako Jeer eo im enaaj barāinwōt bōk jermal ko jet im Jeer eo enaaj jitōñ bwe en kōmmani.
- c. Secretary. Secretary eo enaaj jermal iumwin tōl eo an Boot eo iumwin Jeer eo im enaaj jipañ ikijjeen administrative jermal ko ñan Boot eo. Secretary eo enaaj:
 - i. Kōpooj im ajeej agenda ñan kajjojo regular ak special kwelōk an Boot eo im standing kamiti ak kamiti kwelōk ko jet.
 - ii. “Schedule” raan in regular ak special kwelōk an Boot eo ilo an “consult” ippān Jeer eo.
 - iii. “Record” im kōpooj minit im keeañ ko an kajjojo regular im special kwelōk Board im standing kamiti ak kamiti ko jet.
 - iv. Bōk eddoon “secure” melele ko jān Kalej administration eo.
 - v. Bōk im uwaak “routine” lōta ko raar etal ñan Jeer im/ak Boot eo.
 - vi. Jermal āinwōt juon “liaison” eo ikōtaan administrative ri-jermal ro an Kalej eo im Boot eo.
 - vii. Etale “proposal” in kien ko im Kalej administration eo ear limaantak.
 - viii. Kajjeikik kōlōnta eo an Boot eo ikijjien jermal ko raar jab dedelōk.
 - ix. Kōmman research im analysis ñan kien ko ikijjien an Boot eo tōl im kajjeikik Kalej eo.
 - x. Etale “rule” im “regulation” ko an kien eo an RMI im US im rej jelōt Kalej eo.
 - xi. Kajjeikik, ae, im kōjparok official record ko an Boot eo.
 - xii. Collate im index kien ko im Boot eo emōj an kōmālim.
 - xiii. Kōmmani jermal ko jet Jeer eo enaaj liłōk ñane im jān jeer ro an standing kamiti im kamiti ko jet.

c. Bout

Naaj kōjermal ballot ñan ekkāālel Jeer ak Baij jeer ēlaññe renaaj nominate elōñlōk jān juon armej ñan juon wōpij ak jea.

d. Succession

Elañne enaaj wōr peļļok ilo wōpij eo an Jeer eo, Baij Jeer eo enaaj bōk jikin Jeer eo ilo an naaj kadedeļok tōōm eo an Jeer eo moктаļok.

Article IV. Regular Kwelok Ko

Index in Kien: 111.01

1. Uwaan im Jikin Kwelok

Boot eo enaaj kwelok enjab iietļok jān emān alen ilo juon Fiscal Iiō (Oktoba 1 ñan Jeptōm̄ba 30). Enaaj ekkā an kwelok kein bōk jikier ilo allōñ in Okwōj, Nobōm̄ba, Pāpode, im Māe.

2. Special Kwelok ko

Naaj maroñ kōmman etan special kwelok ko:

- a. Jeer eo;
- b. Būreejtōn eo, mōjin an majority in ro uwaan boot kālōt bwe en maroñ; ak
- c. Jabdewōt uwaan Boot eo, ñe enaaj emman ippān Jeer eo.

3. Agenda

Secretary eo an Boot eo, ilo an consult Jeer eo an Boot eo im Būreejtōn eo an Kalej eo, enaaj kōpooj agenda ko an aolep regular im special kwelok an boot eo. Naaj kōmman iaļ ñan petition ko im kōmmeļeļe ko jān citizen ro im ewōr aer itok limo. Jeer eo enaaj kapen agenda eo im Boot Secretary eo enaaj bōkļok peba im menin kakkobaba ko ñan kajjojo iaan ro uwaan boot juon wiik moкта jān iien kwelok eo. Jabdewōt kajjitōk ko ñan ukōt ak kōmman kakkokobabaļok ñan ippān agenda eo ālikin an kar mōj kapene naaj aikuj bwe jeer eo en kōmālimi.

4. Kōjjeļā kōn Kwelok

Naaj leļok ñan jabdewōt armej eo enaaj kajjitōk kōjjeļā kōn raan iien, ak jikin jabdewōt regular ak special kwelok an boot eo.

5. Quorum

Naaj watōk bwe e quorum juon kwelok eļañne enaaj pād majority in ro uwaan boot eo ak majority in ro ilo standing kamiti in boot eo im remaroñ bout.

6. Executive Session

Ālikin an naaj kōmman juon formal motion, naaj mōj second e im pass e, Boot eo enaaj maroñ in recess ñan juon closed ak executive session. Jabdewōt motion eo ñan recess ñan juon closed ak executive session enaaj bar pād juon statement ñan kwaļok wūnin bwe en aikuj kilōk kwelok eo ak wōr juon closed ak executive session, im iien im jikin eo im kwelok in epeļļok enaaj bar wōnmaanļok. Motion in, ekoba statement eo an im ej aikuj etal ippān, enaaj jeje ilo minit ko an kwelok in im naaj aikuj record ilo permanent record ko an Boot. Wūnin kōnono ko im naaj maroñ in kōnono kaki ilo jabdewōt closed ak executive kwelok enaaj ekkā wōt an pād laajrak kein:

- a. Menin kōnono ko ikijien ri-jerbal in Kalej eo ak human resource āinwōt ebbōk ri-jerbal, kupi jān jermal im jabdewōt menin kaje ko, jermal in etale tarlep in jermal ko im menin abñōñō ko;
- b. Consultation ippān loār eo an doulul ak wōpij eo im naaj watōk bwe ej “privileged” ilo bujen attorney-client eo;

- c. Men ko im rejjelōt hire, etale jermal ko an, ak kupiik būreejtōn eo;
- d. Men ko im rejjelōt jabdewōt men eo im enaaj jelōt juon ri-jikuu! ak ri-jermal in Kalej eo ilo juon wāween eo emman ak enana, ijellōkwin ke jabdewōt iaan armej rot in enaaj wōr an jimwe ñan juon pablik hearing eļañne armej eo enaaj kajjitōk bwe en wōr.

7. Maroñ ko an Ro Uwaan Board of Regents eo

Ej wōr wōt an ro uwaan Boot eo maroñ ñan kōmman official makūtkūt ko an boot ilo iien official kwelōk ko. Ejjelōk juon uwaan Boot enaaj wōr an maroñ in kōmman emmakūt ilo etan Boot eo ijellōkwin wōt eļañne majority in boot eo ilo juon official kwelōk raar kōmālim bwe en maroñ in kōmman āinwōt eo.

8. Robert's Rules of Order

Naaj kōmmane aolepen kwelōk ko an Boot eo ilo aer naaj loor edition eo āliktata an Robert's Rules of Order, ijellōkwin wōt ñe Rule ko rej idaaptōk ippān bylaw kein ak ippān jabdewōt kien eo ekkar. (Maaj 22, 1993, Bylaw ko)

9. Oñāān ro Uwaan Boot eo

Ro uwaan Boot im rejjab jermal ilo kien renaaj bōk oñāān aer etal ñan kwelōk ko an Boot eo ilo joñan ñe \$150 ñan kajjojo kwelōk.

Article V. Standing Kamiti ko an Boot eo

Naaj ejaak Boot Kamiti ko ñan kajjeikik jermal ko an Boot eo. Boot Kamiti ko rej bōktok recommendation ko ñan aolep Boot eo ñan aer jembali, ijellōkwin wōt iien ko im Boot eo emōj an leļōk maroñ ñan juon Kamiti bwe en emmakūt ilo etan.

1. Standing Kamiti ko

Ñan an kadedeļōk wūnin jermal ko an, Boot eo ear ejaake Standing Kamiti kein:

To accomplish its purposes, the Board has established the following Standing Committees.

a. Finance Kamiti

Maroñ eo an Finance Kamiti eo eļap ej bwe en review, ilo etan Boot eo, kiltōn kōpooj operating im capital bajet ko an Kalej eo. Menin ej kūtbuuj an jimwe aer review “detailed” bajet eo ilo iien eo rej kōpooje, bwe Kamiti eo en lukkuun meļeļe, kōnono ikijjien, im kōmman kajjitōk kake bajet eo. Kōn menin, kamiti eo enaaj maroñ in kapen ñan Boot eo ke rej peļane bajet ko ekkar ñan jermal im bwe ear mōj leļōk priority ko ikijjien bajet ñan maroñ jipañ mijen im kōttōpar ko an Kalej eo.

Emōj bar leļōk eddo eo ñan Finance kamiti bwe en review status eo an operating bajet eo ilo fiscal iiō eo, ripoot kōn status eo an ñan Boot eo, im review jabdewōt oktak ko administration eo emaroñ kar kōñaan rōjañe Boot eo kaki ikijjien bajet eo.

Finance Kamiti eo enaaj maroñ lale bwe juon independent auditing firm en maroñ kōmmani audit ko ilo kajjojo iiō ilo juon wāween eo im eban rumwij. Kamiti eo ej aikuj etale annual audited financial statement ko im management lōta ko raar itok ippāer ñan an kōmman recommendations ko ñan Boot eo im rej pedped ioon jemļok ko aer. Āliktata, ilo jermalin audit ko an, Finance Kamiti eo ej aikuj lale bwe Kalej eo ej kōmmani ripoot ko an iumwin U.S. Sarbanes-Oxley legislation.

Finance Kamiti eo ej barāinwōt aikuj review im kōmālim ilo kajjojo iiō investment kien eo an Kalej eo ñan endowment fund eo an im spending policy eo an ñan jabdewōt jāan ko im emōj karōk bwe ren naaj diwōjļok jān endowment eo.

Būreejtōn eo ej jijet āinwōt juon ex officio member in Kamiti eo im naaj kipel Vice President for Business and Administrative Affairs eo bwe en leļok ri-jermal ñan jipañ Kamiti eo.

b. Strategic Planning Kamiti

The Strategic Planning Kamiti eo ej bōk eddoon, ilo etan Boot eo, monitor mijen eo an Kalej eo im men ko rej kōmmani ñan an maroñ tōprak mijen eo an. Ej barāinwōt an eddo etale master būlāan ko an jikuul eo im jipañ kōmman bwe en wōr consensus ilo būlāan kein. Kamiti eo ej aikuj kipel administration eo new en jān iien ñan iien etale tarlep in tōprak ko kōn mejānkajjik ko im rej maroñ joñaki, ekūtbuuj financial position, mōko ilo kāāmbōj eo, jikin katak im katakin, oñāan faculty im staff im benefit ko, student engagement im enrollment.

Kamiti eo ej aikuj bōk im etale būlāan ko ñan oktak ko rōļlap ilo kāāmbōj facility ko ñan an maroñ lale ñan Boot eo bwe rej ļoor institutional priority ko. Kamiti eo enaaj lale bwe en dedeļok etale im kapen mijen eo an kalej eo diktata ilo aolep ļalem iiō.

Būreejtōn eo ej jijet āinwōt juon ex officio member in Kamiti eo im naaj kipel Executive Vice President eo im enaaj jermal ippān Executive Officer eo im consult ippān Būreejtōn eo bwe en leļok ri-jermal ñan jipañ Kamiti eo.

c. Academic and Student Life Kamiti

Kar kipel Academic and Student Life Committee eo bwe en etale im rōjañ Boot eo ikijjien kien ko ñan lale bwe en emman quality im integrity in an ri-jikuul ro katak, im emmanļok wāween aer katak ilo Kalej eo, ekūtbuuj aolep kien ko im rejjelōt faculty, ri-jikuul im wāween an ri-jikuul mour im katak. Kamiti eo enaaj etale im rōjañ Boot eo bwe en kōmālim aolep būrookraam in katakin ko im rej lōñļok jān 15 credit im jabdewōt oktak ko ñan eļap jān 50% in būrookraam ko im rej lōñļok jān 15 credit. Kamiti eo ej bōk eddoon lale bwe aolep būrookraam in katakin, jipañ, in būrookraam in jipañ kiltōn katakin ko rej ļoor mijen eo im būlāan ko an juon iien aetok im bwe ren etale aolep būlāan jān iien ñan iien ñan quality in katakin, tōprak in katak an ri-jikuul, im jemļok ko jān ri-jikuul ro. Kar barāinwōt kipel kamiti eo bwe en etale aolep data ko ikijjien an ri-jikuul katak im tōprak ko an ri-jikuul im kōmman rōjañ ekkar ñan data in.

Būreejtōn eo ej jermal āinwōt juon ex officio member in Kamiti eo im Chief Academic Opija eo ej bōk eddoon leļok staff bwe ren jipañ Kamiti eo.

d. Special Kamiti ko

Boot eo ej maroñ kōmman special kamiti ko, ñe enaaj lo ke ekkar. Jeer eo ej maroñ kōmman special kamiti im jitōñ ro uwaan Boot eo ñan juon special kamiti ñe ro uwaan Boot renaaj maroñ review im kōmālim menin.

e. Jeer eo an Juon Kamiti im Ro Uwaan

Jeer eo enaaj kōmman ijjitōñ ikijjien kamiti jeer im ro uwaan kamiti eo.

f. Kāālōt ko an Kamiti

Kāālōt ko an kamiti ko renaaj kōmman jān majority bout im naaj maroñ kōmmani ilo aer naaj “polling” ro uwaan kamiti eo ilo mail, cablegram, facsimile, talboon, ak bar jet electronic jermal ko.

Article VI. Orientation eo An Uwaan Boot im Ekāāl

Naaj schedule boot member kāāl ro bwe ren kōmman orientation eo aer ilowaan juon allōñ ilo jinoin tōom eo aer. Ilo orientation eo aer, enaaj wōr, ippān bar jet men, juon overview in Kalej eo, eddo ko an BOR, accreditation standards ko ñan tōl im kajjeikik Boot eo, kien im makūtkūt ko an BOR. Naaj bar leḷok ñan Boot member kāāl ko juon reference guide eo im enaaj pād wūnin kōnono kien im bar ko jet.

Article VII. Chief Executive Officer

Taitōl

Chief Executive Officer eo an Kalej eo enaaj bōk taitōl in Būreejtōn.

Jermal/Eddo

Būreejtōn eo enaaj pād ippān maroñ eo elikiio ñan an maroñ kajjeikik jabdewōt men ilo Kalej eo. Būreejtōn eo enaaj official advisor eo ñan im executive agent eo an Board of Regents eo im kamiti ko an. Būreejtōn eo ej jermal ekkar ñan kōnaan eo an Boot eo im enaaj pād ilo wōpij in an ñan ñe ej kab resign ak Boot eo enaaj kōmakūt jāne. Būreejtōn eo enaaj, āinwōt juon eo im ej jeban jeḷā ḷokjeḷ im administrative jermal ko ilo Kalej eo, kajebwebweik aolepen tarlep in jermal ko an jikuuḷ eo, im naaj bōktok jabdewōt men ñan Boot eo āinwōt an ekkar bwe en lale bwe boot eo en jeḷā menotemjej ej aikuj ñan an katōprak eddo ko an ikijjien kōmman kien.

Barāinwōt, enaaj wōr an Būreejtōn eo maroñ, ilo etan Regents to ñan an kōmmani makūtkūt ko an im kōmmani aolep peba ko an ñan an kōmmani makūtkūt ko an Boot eo im kamiti ko an.

Maroñ ko

Ewōr menin kaapañ ak kabōjjrak ñan maroñ ko an Būreejtōn eo an Kalej eo jān Boot eo im rej kūtbuuj men kein (bōtaab ejjab ede kein):

- lale bwe ren ejaak im kajjeikik ruuḷ im regulation ko an Kalej eo; etal ñan aolep kwelok ko an Boot eo im ripoot kōn jabdewōt makūtkūt an Kalej eo;
- lale bwe en rōjañ Boot eo kōn aikuj ko an Kalej eo;
- lale bwe en kōjermal aolep iien ko an ñan Kalej peejne;
- lale bwe en ekkāālel im ijjitōñ ri-jermal an Kalej eo āinwōt an waḷok ilo kien ko an Boot eo im kien ko tōllōkier;

- lale bwe en ejaak, kōpeḷaak, laajraki, kajjeikik im kajebwebweik jermal ko, eddo ko, menin jipaṇ ko, im men ko oṇāān ri-jermal ṇan an jipaṇ Kalej eo;
- iumwin tōl eo an Boot eo; kōmṃan bwe en pojak jabdewōt data, meḷeḷe, im ripoot ko ilo wāween eo im ej ḷoor kien ko rekka; im
- kōmṃani bar jermal ko jet āinwōt an naaj Boot eo aikuj bwe en kōmṃani.

Jerbal Kōtaan Būreejtōn eo im Boot eo

- Enaaj peḷḷok im kajju kiltōn kōmmeḷeḷe ko ikōtaan Būreejtōn eo im kajjojo Regent, pedped ioon ijo koṇaan kajjojo iaar im aer mool ṇan kōttōpar ko rōḷḷapḷok an Kajel eo.
- Būreejtōn eo ej ripootḷok ṇan im jermal ippān Jeer eo an Boot eo im enaaj kōmeḷeḷeik kōṇaan im kāālōt ko an aolepen Boot eo ṇan Būreejtōn eo.
- Būreejtōn eo enaaj iaḷ eo ṇan an meḷeḷe ko ito itak ikōtaan Board of Regents eo im ri-jikuul in kalej eo, faculty im staff, im barāinwōt kein im wōpij ko ilo kapijuknen eo, peejne; ko, doulul ko, im ḷoār eo an kalej eo.
- *Būreejtōn eo ej jijet ippān Boot eo im ej bōk koṇaan ilo aer etale im ḷōmṃake jabdewōt bōtaab ejjab bout (bout). Būreejtōn eo ej etal ṇan aolep kwelok ijellokwin wōt ko im rej jelōt jermal eo an make āinwōt Būreejtōn (annual evaluation im/ak kooṇtōreak negotiation ko)
- Būreejtōn eo enaaj kōpooj im leḷok ṇan Boot eo ripoot ko jān iien ṇan iien ikijjien ijo Kalej eo etōpare.
- Būreejtōn eo enaaj ejaak laajrak ko im kiltōn kajjeikik ri-jermal ṇan maḷūtkūt ko ikijjien ri-jermal im barāinwōt būrookraam, jermal in jipaṇ ko, maḷūtkūt im regulation ko, ippān faculty im staff eo an Kalej eo, ṇan an maroṇ in lale bwe Boot eo en wōr iien an kōmṃan kāālōt ko ikijjien kien ko rōdepakpak.

Etale

Boot eo enaaj kōmṃane iien etale Būreejtōn eo ilo kajjojo iiō. Iien etale in enaaj ḷoor jabdewōt karōk ko im rej walok ilo kooṇtōreak in jermal eo ippān Būreejtōn eo im barāinwōt kien in. Boot eo enaaj etale Būreejtōn eo ilo an naaj kōjermal juon kiltōn eo im Boot eo im Būreejtōn eo raar jimor ejaake im errā kake.

Laajrak in etale ko naaj pedped ioon kien ko an Boot eo, job description eo an Būreejtōn eo, im tarlep in tōprak ko im mejānkajjik ko rekka.

Succession im Ekkāālel

Boot eo ej leḷok maroṇ eo ṇan Būreejtōn eo bwe en jitōṇ juon acting Būreejtōn eo ṇan an jermal ilo juon iien ekadu ilo iien ko im enaaj jako, enjab aetokḷok jān 30 raan in jermal ko ilo kajjojo iien jako.

Ilo iien ko im enaaj jako Būreejtōn eo im ṇe ekar jab wōr acting Būreejtōn eo im kar jitōṇe, administrative eddo ko renaaj pād ippān (ilo laajrak in):

1. Executive Vice President
2. Vice President ro (ekkar ṇan seniority)
3. Dean ro (ekkar ṇan seniority)

Boot eo enaaj jitōṇ juon acting Būreejtōn ilo kōta ko im rōban aetokḷok jān 30 raan in jermal ko.

Ilo iien eo im enaaj ejjeḷok Būreejtōn, Boot eo enaaj likit juon kiltōn eppok ri-jermal ṇan an maroṇ wōr ri-jermal. Kiltōn eo enaaj juon eo im ejjeḷok kalijekḷok ie im enaaj peḷḷok ṇan lale im naaj ḷoor aolep kien im laajrak ko an RMI. Kiltōn eo enaaj kūtbuuj iien ko ṇan an aolep doulul ko an Kalej

eo leļok lōmṇak ko aer ekūtbuuj ro uwaan Boot eo, representative ro jān doulul in arnej ro ilo Kalej eo, im ro uwaan kapijuknen eo. Ālikin juon kiltōn eppok ri-jerbal eo im kar lo bwe elōñļok jān juon iaan ri-jibadek ro rej jet ro maroñ naaj kar jitōñer, Boot eo emaroñ kāālōt bwe en kajjeikik juon Presidential succession plan eo im enaaj kōtļok bwe en maroñ wōr juon transition ikōtaan CEO ro ilo aer jab bar aikuj in eppok ri-jerbal, toon wōt an succession plan eo jipañļok mijen eo an Kalej eo im ļoor laajrak, iien, im kiltōn ko rekkar.

ARTICLE VIII. Men ko Ikijjien ri-Jerbal

1. Laajrak ko Ikijjien Oṇāer

Boot eo emōj an ejaak (ak kōmman bwe en ejaak) laajrak in oṇāan ri-jerbal ko im naaj aikuj maroñ in etal ñan ri-jerbal. Rej aikuj etale laajrak jab kein ilo kajjojo iiō ainwōt jabokan laajrak in jerbal ko ikijjien bajet.

2. Men ko Ikijjien ri-Jerbal

Ro uwaan Board of Regents eo rej aikuj lale men ko ikijjien ri-jerbal ilo aer kōjerbal Wōpij eo an Būreejtōn eo; bōtaab, ñe ewōr an juon eo im ej uwaan boot eo jeļā kake im/ak abṇōñō ikijjien juon men ejelōt ri-jerbal, eo uwaan boot eo ej aikuj kajjitōk bwe en wōr juon executive session ñan kōnono kake men eo.

Article IX. Board Professional Development

Rōjañ ro uwaan Board of Regents eo bwe ren bōk koṇaer ilo maṇkūt in professional development ko, ekoba būrookraam ko an laļ eo, ko an laļ eo im ijoko repaake, im būrookraam ko jen peļaaṇ in laļ in. Ñe Boot eo im/ak Jeer eo an Boot eo ear kōmālim, jāan ko juon boot member ear joļok im ekkā joļok ilo iien an travel ñan kōmmani jerbal ko an Kalej ko renaaj bar roļ ñan boot member in ilo ejja wāween eo im rej roļ jāan ko an ri-jerbal in Kalej eo.

Article X. Code of Conduct

1. Standard of Conduct

Ro uwaan Boot eo renaaj ļoor laajrak ko ilo bylaw kein im rej aikuj ļoor kien in ethical conduct ko ainwōt aer waļok ilo Ethics in Government Act of 1993. Ñe juon uwaan Boot eo enaaj rupe tōm ko im laajrak ko ilo Ethics in Government Act eo, Boot eo enaaj maroñ joļok member eo jān boot eo kōn majority bout jān ro member ro jet.

2. Idaaptōk in Kōttōpar/Kōṇaan

a. Ejelōt Wōn

Meļeļe kein ikijjien kien ko rejjelōt idaaptōk in kōttōpar/kōṇaan rej ñan kajjojo iaan ro uwaan Boot eo an im aolepen ri-jerbal ro an College of the Marshall Islands. Kōttōpar eo an kien in ej ñan an jerbal ilo an kajebwebweik ro uwaan Board of Regents eo im ri-jerbal in Kalej eo.

b. Fiduciary Responsibilities

Ro uwaan Boot eo im ri-jerbal ro an kalej eo rej jerbal ñan tōmak an pablik im ewōr juon aikuj eo ealikkar ñan aer katōprak men ko rej bōk eddoon ilo juon wāween eo im ej loorloḷok wōt mool in. Aolep kāālōt ko an Boot eo im menin rōjañ ko im ri-jerbal ro an Kalej eo rej kōmmani rej aikuj in kar kōmman kōn wōt pedped in kōḡnaan eo bwe ren rejetak kōttōpar ko rōmmanata ñan jikuuḷ eo im ñan emman eo an pablik. Rej aikuj kōjparok im kawōnmaanloḷok ilo aolep iien jimwe im mool in jerbal ilo Kalej eo.

Mōmman im kōrā ro ewōr tokjāer rōban jab bōk koḡaer ilo jerbal ko an jikuuḷ im doulul ko jet. Juon Boot, administration, staff im faculty eo im emman an jerbal ejjab maroñ in pād wōt armej ro im ejjelōk ñan jidik conflict of interest ippāer ilo an armej kōtmāne. Meñe ekkā wōt an conflict of interest kein im naaj maroñ kar waḷok pād ilo joñan ak nemāme eo im kar maroñ kile bwe ejjelōk tokjān, ej an aolep eddo lale bwe Boot eo en jelā kōn jabdewōt wāween ko im rejjelōt kōta ko ikijien armej, baamle, im peejneḷ ko im remaroñ kōmman jorrāan ñan Kalej eo. Kōn menin, Boot eo ej aikuj bwe kajjojo Regent im ri-jerbal in Kalej eo ilo kajjojo iiō:

- i. etale kien in;
- ii. kwaḷok jabdewōt personal, familial ak peejneḷ relationship ko im renaaj maroñ kar ilo aer laleloḷok erom juon menin jorrāan eo im enaaj jelōt kalej eo; im
- iii. kwaḷok ilo an jaini DISCLOSURE FORM FOR REGENTS AND EMPLOYEES OF THE COLLEGE (Lale Appendix II) ke ej loor lōta im jetōb in kien in.

Kōn menin, ej kien eo emōj an Boot eo kaalikkar bwe Regent rōban bōk koḡaer ilo kōmmeleḷe im bout ko an Boot ikijien men ko ak transaction ko im ewōr an Regent ro idaptōk in kōttōpar/kōḡnaan ie ak emōj an ejaak juon aer idaptōk in kōttōpar/kōḡnaan jān kar iien aer kar baeḷ peba eo ear kwaḷok menin āinwōt aer kar aikuj in. Ilo ejja wāween in wōt, ri-jerbal ro an Kalej eo im ewōr aer conflict of interest rōban bōk koḡaer ilo leloḷok rōjañ ñan Boot eo ikijien men ko im ewōr aer menin idaptōk ie.

c. Disclosure

Aolep Regent im ri-jerbal in Kalej eo rej aikuj je ilo peba in ej ekkejel doulul ko im peejneḷ ko ewōr an ie ak ewōr an baamle eo an ie im ewōr aer peejneḷ ippān kalej eo a kilo bar juon wāween naaj maroñ lo bwe emaroñ naaj jelōt ak maroñ watōk bwe enaaj jelōt an maroñ in jerbal ippāer ak naaj kōmman bwe en jep ñan er ilo an kōmman kāālōt ilo an kabwijer maroñ im kōmmani men ko ej lali. Ilo iien eo im juon Regent ak ri-jerbal in Kalej eo ejjab lukkuun jelā ñe ej aikuj je juon relationship, Jeer eo an Board of Regents eo, naaj aikuj consult ippān Kalej Būreejtōn eo ak loār eo an Kalej eo. Regents ak ri-jerbal ro an Kajel eo renaaj baeḷ disclosure peba in ilo kajjojo iiō ālikin Oktoba 1 in kajjojo iiō im moḷta jān Oktoba 31 ilo kajjojo iiō, ippān Secretary eo an Board of Regents eo. Peba in disclosure kein renaaj aikuj peḷloḷok ñan an pablik lali. Naaj leloḷok ñan boot member kāāl ro ak ri-jerbal kāāl ro an Kalej eo disclosure peba kein ilo iien eo wōt im rej jino ilo jerbal ko aer. Renaaj kanne, jain, im baeḷ e ejja peba kein wōt ilowaan 30 raan ālikin aer jino jerbal ko aer.

d. Kabōjrak jān An Bōk Koṇaan

Eḷaññe enaaj alikkar ke regent ro ak ri-jerbal ro an Kalej eo emōj aer kwaḷok juon aer idaaptōk in kōṇaan ak kōttōpar, emōj lo bwe ewōr aer idaaptōk in kōṇaan ak kōttōpar, ak emōj an ejaak juon wāween eo im emaroñ kōmman idaaptōk in kōṇaan ak kōttōpar jān kar raan eo āliktata im raar bael aer disclosure peba, renaaj bōjrak jān aer bōk koṇaer ilo etale menin rōjañ im transaction ko, ijellokwın wōt kōn wūn ko rejenolok, im boot eo ak administration eo enaaj kajjitōk bwe en etal meḷeḷe ko ak ñan aer kōmmeḷeḷe.

e. Sanctions and Remedies

Jabdewōt maḷūtkūt an boot eo im enaaj jipañ juon Regent im ear waḷok ilo an rupe bylaw kein naaj maroñ joḷok ilo etan Boot eo, ilo aer naaj lale bwe ilo jabdewōt emmakūt ñan joḷok ak kabōjrak kar juon action ak maḷūtkūt an Boot eo ekkar ñan Bylaw kein, naaj lōmṇake kōṇaan im kōttōpar ko an pade ko jet im menin enaaj jelōt ilo juon wāween eo enana.

Jabdewōt laajrak eo im naaj bōk ñan joḷok ak kabōjrak kar juon an Boot eo maḷūtkūt ak action enaaj ijino ilowaan jįnoñoul (60) raan ālikin an alikkar ke emmakūt eo an Boot ear rupe bylaw ko. Boot eo enaaj maroñ bōk aolep remedy ko im/ak menin kaje ko iumwin kien im rejimwe ippān loār eo an Kalej eo. Jabdewōt Boot action eo im enaaj etal āinwōt remedy ko im/ak menin kaje ko ekkar ñan jabok in ej aikuj naaj ijino juon iiō ālikin action eo an Boot eo im ejelōte jān wōt an kar rup kien.

f. Meḷeḷe in Naan

Meḷeḷe kein an naan kien rej iwōj ñan jipañ Regent ak ri-jerbal ro an Kalej eo kālōt eḷaññe kōta eo ikōtaan ippān ro jet rej aikuj in laajrak ilo disclosure peba eo ak kabōjrak Regent ro ak ri-jerbal ro bōk koṇaer ilo etale menin rōjañ ak transaction ko:

- i. Men ko im renaaj maroñ jet idaaptōk in kōṇaan ak kōttōpar ak idaaptōk in kōṇaan ak kōttōpar ko: ñe ebwe ak eḷap ijoko an Regent ro ak opija ro emōj jįtōñer ak ro uwaan baamle ko aer, ippān kalej eo ak doulul ko im rej peejneį ippān kalej eo ak ro im naahj maroñ kōtmān bwe enaaj wōr menin jelōt aer maroñ kōmman kālōt ko ilo ejjeḷok kalijekḷok ekkar ñan maroñ im eddo ko an ñan kōmman kālōt.
- ii. Kōta ko ilo peejneį: juon eo im ej juon Regent, ri-jerbal an Kalej eo, ak juon eo uwaan baamle eo an āinwōt an waḷok ilaḷ ej juon opija, director, ri-jerbal, partner, Regent ak juon eo im ej juon controlling stockholder in doulul eo im ebwe ak eḷap an peejneį ippān kalej eo.
- iii. Uwaan baamle eo: Eo pāleen, jinen ak jemān, jein ak jatin, nejin, ak ro jet nukun eḷaññe armeį in nukun ej jokwe ilo mweo Regent eo ak ri-jerbal in Kalej eo ej jokwe ie.
- iv. Ñe ebwe ak eḷap ijoko an ippāer: Juon eo im ej juon Regent, ri-jerbal an Kalej eo, ak juon eo uwaan baamle eo an
 - A. rej ro im rej owner ak rej beneficial owner in eḷapḷok jān 5% in voting stock ko ak ewōr aer controlling interest ilo doulul eo im ebwe ak eḷap an peejneį ippān kalej eo;
 - B. ewōr an ippān doulul eo ak ilo juon bar wāween ej jermal indirectly ippān doulul

eo im ilo juon direct ak indirect wāween Regent eo, ri-jerbal eo an Kalej eo, ak eo uwaan baamle eo an rej bōk aer jeraamman ilo cash ak property receipt ko im rej total \$10,000 ak laplok ilo juon iiō; ak

C. ej jermal ilo kalej eo ak ej etal ñane fee ko, benefit ko, ak kōllā ko jet jān kalej eo.

v. Ñe ebwe ak elap an peejneŋ ippāer: Juon doulul eo im ebwe ak elap an peejneŋ ippān kalej eo ej juon eo im ej etal ñane elaplok jān \$10,000 jān kalej eo ilo kar fiscal iiō eo imaanlok.

g. Kōta eo im Eban Maroñ in Jerbal

Ejjełok uwaan Board of Regent eo enaaj maroñ in jermal āinwōt juon full-time ri-jermal in kalej eo iumwin ruo iiō jān raan eo im tōōm in wōpij eo an Regent eo ear jemlok ak jān raan eo im ear jino resignation eo an āinwōt juon Regent.

Article XI. Amendment ko ñan Bylaw ko

Naaj maroñ jołok ak ukōt bylaw kāl ko im renaaj kōmālim ak bylaw kein ilo juon an Boot eo kwelok kōn majority bout an ro uwaan Boot eo im raar kwelok.

APPENDIX I

KALLIMUR AN BOOT EO

Äinwöt juon Regent in Boot in töl eo an College of the Marshall Islands, ij kallimur bwe

1. Naaj kile bwe ñan aō bōk koṇaō ilo Board of Regents eo an College of the Marshall Islands, ij kate eō make bwe in katōprak mijen eo an jikuul eo im emōj kaalikkar kōn vision im kōlmānļokjeṇ im ñan jipañļok maṇtkūt ko an kapijuknen eo ilo kalej eo.
2. Naaj leļok iien, maroñ, im ļōmṇak ko aō im katak kōn jermal im eddo ko an juon Regent in Kalej eo bwe in maroñ jipañļok ilo juon wāween eo emṇan im citizen, staff, im ri-jikuul ro im ej jutak ilo etaer renaaj maroñ lo jipañ ie.
3. Ñan jermal ippān ro mōtta ilo boot eo ilo wāween eo im ejokane im ippān doon meñe ewōr oktak ilo tōmak ko ad im renaaj waļok ilo iien ad kōnono ak debate kake wūn ko ilo juon wūnin kōnono. Jouj im kea kake doon im kōn ri-jermal ro an kalej eo enaaj tōl maṇtkūt ko an ro uwaan boot eo. Ro uwaan boot eo rōban bōk koṇaer ilo jermal in kakkure bar juon ilo wāween eo im ej personal im ban kōnnaan ṇae jermal jimwe ko an bar juon eļañe ejjab pedped ion mool ak fact. Ro uwaan Boot eo renaaj rejetaj jermal kautiej doon im an ri-jermal ro kautiej doon im rōban kōjermal jea eo aer ñan kajook ak kaamijak.
4. Ro uwaan staff. Ro uwaan Board of Regents rej ri-tōl in kapijuknen eo im maṇtkūt ko aer raorōk ñan kalej eo im kapijuknen eo.
5. Kāālōt ko aō renaaj pedped ion aolepen mool ak fact ko im renaaj itok ilo kajjojo iien: naaj bout ekkar ñan mool im tōmak ko aō ilo kajjojo keej, ban kōtļok bwe in jeep ñan pade eo aō ilo jabdewōt wāween im kōn menin, naaj ļoor im rejetaj kāālōt eo āliktata an majority in boot eo.
6. Naaj meļeļe bwe ejjeļok aō legal maroñ make ilikin kwelok ko an boot eo, kōn menin, ij aikuj kabwijer ijo aō ippān community kalej staff, ippān citizen ro an lal eo, im “press” eo ekkar ñan mool in im jab kōmṇan aō make maṇtkūt ko im renaaj kajorrān Boot eo.
7. Naaj kōmṇan bwe en jab wōr idaaptōk in kōṇaan ak kōttōpar ak men ko im renaaj äinwōt idaaptōk in kōṇaan ak kōttōpar im naaj maṇkoko in kōjermal jea eo aō ilo Boot eo ñan aō lo jeraamṇan ak ñan an pade eo aō lo jeraamṇan, kōn menin in aaj kōjparok emṇan eo an jikuul eo im likiti ilōñ in kōṇaan ak kōttōpar ko aō make im kōṇaan ak kōttōpar ko an ro ilo baamle eo aō ak ro jet im emaroñ bwe ak ļap aer men ko rejjelōt jikuul eo. Ro uwaan Boot eo rejjab aikuj kōjermal jea eo aer ñan aer kōmṇan aer make jān ak kōļapļok kiltōn ko aer ilo jikin jermal ak ilo kapijuknen eo.
8. Naaj aer bōjrak jān aer bōk koṇaer ilo bout ak maṇtkūt ko jet an ro uwaan Boot eo,

- ak makūtkūt ko an jabdewōt ri-jerbal, ilo aer kaamijak, kallimur in leḷok aer award, ilo riab, jānij bout ak ilo wāween ko jet ijellōkwin ilo kōmmelele ko im rekkar.
9. Naaj leḷok kajjitōk ko aer ñan Jeer eo an Boot ak Kalej Būreejtōn eo bwe en leḷok ñan Boot eo kajjitōk ko aer ikijjien jabdewōt melele ikijjien kalej faculty ak staff.
 10. Naaj likit ilo lōmṇak ko aer bwe jerbal eo eḷap an boot eo ej ñan ejaak kien ko rekkar ñan kalej eo im ñan jitōñ Būreejtōn eo ak staff im renaaj wōr aer maroñ in kabwijer būrookraam in jeḷā ḷokjeṇ im makūtkūt ko jet ñan kabwijer peejneḷ ko an kalej eo.
 11. Naaj kile bwe joñan wōt an aorōk bwe boot eo en melele im etale būrookraam in jeḷā ḷokjeṇ ko an community kalej eo wōt būḷāān ko an ñan jerbal in kajeikik kalej eo.
 12. Naaj karuwainene im rejetak an naaj citizen ro an Republic of the Marshall Islands jerbal ippān doon.

APPENDIX II

DISCLOSURE FORM FOR REGENTS AND EMPLOYEES OF THE COLLEGE

Jouj im kadedeļok peba in im karøoltok ñan Jeer eo an Board of Regents eo en jab rumwijļok jān Oktoba 31.

1. Ewōr ke am jeļā kōn jabdewōt pād ikōtaan kalej eo im kwe make ak juon uwaan baamle eo am āinwōt an waļok ilo meļeļe ko ilo Board of Regents Code of Ethics eo im enaaj maroñ kōmman idaaptōk in kōttōpar ak kōñaan ak naaj maroñ watōk bwe ej idaaptōk in kōñaan ak kōttōpar ak conflict?

Aaet	Jaab
------	------

Eļañne aet, jouj im laajrak kajjojo relationship rot in im tipdiki laajrak in joñan jāan ko naaj lo ilo juon iiō, eļañne ewōr, ilo joñan wōt am maroñ antōणे.

a.
b.
c.
d.

2. Kwar ke ak juon ilo baamle eo am ear ke bōk jān kalej eo ilowaan allōñ ko 10 rej jemļok ļok jabdewōt fee, gift, ak loan ko jān jabdewōt jikin ko im kalej eo ej wiia mweuiuk ak menin jipañ ilo jikin ko im ilo bar juon wāween kalej eo eļap an peejneļ ippān āinwōt an waļok ilo Code of Ethics eo?

Aaet	Jaab
------	------

Eļañne aet, jouj im laajrak fee, loan, gift, ijo raar itok jāne, im antōणे tok oñær.

a.
b.
c.
d.

3. Ewōr ke am ilo peejneļ eo/ko an juon doulul eo im ebwe ak eļap an peejneļ ippān kalej eo, āinwōt an waļok ilo Board of Regents Code of Ethics eo?

Aaet	Jaab
------	------

Eļañne aet, jouj im kōllaajrak kajjojo iaan peejneļ relationship kein.

a.
b.
c.
d.

Ij kaṃool bwe meļeļe kein rej ṃool im likiio ekkar ñan aō jeļā.

Name:	Date:
Signature:	